


På kyrkjebakken

Redaksjonsnemnd:

B. Haukånes, B. D. Bødker, A. R. Hauge, J. Bruvik



Kyrkjelydshelg i vinterland



Etter ein koronapause, kunne me igjen samlast til kyrkjelydshelg på Wallemtunet første helga i februar. 28 voksne og 23 born fylte huset der oppe. Nokon sov heime, men dei fleste fekk ei seng på tunet. Det var vinterland på Kvamskogen med mykje snø og god tid til å vera ute og gå på ski, skreia på akebrett eller grava snøholer!

Samlingar inne var det også for både små og store. Søndagen var det gudstenesteverkstad, der borna øvde inn dramatisering av søndagens tekst og ein dans me fekk sjå på gudstenesta. Elles var det fyr på peisen, god mat og god prat slik det skal vera på kyrkjelydshelg. Me gler oss alt til neste gong!

Tårnagent er noko du kan verta det året du fyller 8 år. Tårnagentane er saman ei helg i slutten av januar. Dei utforskar både klokke-tårn og kjellar i kyrkja på Ådland og leitar etter symbol og mysterium i kyrkjerommet. Etterpå er det mat, maling og andre aktivitetar i kyrkja på Haga. Søndagen er dei med og lagar gudsteneste, med både drama og kunstframvising. Me fekk også vita litt om kva dei fann ut då dei var agentar. Sjolv sagt vart det heile slutta av med bollar og saft som seg hør og bør. På bildet ser de Ingrid titta opp frå kjellarholet og ved altarringen viser Levi, Samuel, Elida, Ingrid og Sofija fram agentkorta sine. Dei to fine måleria syner gjetaren som passar på sauene .



Tårnagentar i kyrkjene